

دمعتنا الذبيح الغاضريه تجدد ثورته وتحيي القضية

نحس انموت لمن يعتلي النوح
سفينة حسين شابه للنبي نوح
و لكن ذبحته أعظم رزيه
ضمن لبنه السلامة لجله ابگاه
وأبو الزهرا بحسين الدينه فداه
تجدد ثورته و تحيي القضية

رسالة وثورة بيها وأغلى مغنم
جرى حبر الدما بنحره وتكلم
نكتب مستهلنا والعزیه
على الجسم السليب الفوگ تربان
تراقب عينه أهله ويقرا قرآن
تجدد ثورته وتحيي القضية

على اگباب الكرامة والمنارات
أثر خطوات منّ الفاطميات
وحالتهم على المؤمن عصية
وحيدة مقيّدة فوق الهوازل
أبو فاضل عيوننه عالمحامل
تجدد ثورته وتحيي القضية

نتذكر جسد متروس بسهام
وثغره المنجرح من چف لجرام
ويتشمت عليها كل دعيه
دمعنا الهالمصاب الأحياء هالدين
ورقيّه اتنادي وينه بويه الحسين
تجدد ثورته و تحيي القضية

إذا نكتب قصايد تضعف الروح
دمعنا للوگع بس رافع اصروح
مثل يحيى النبي گاسى المنيه
فدا إبراهيم ولده وربنا جازاه
حزّن يعقوب لابنه وربنا رداه
فدا بآل النبي الرب البريه

حزننا والدمع والنوح والههم
قصايدنا الیخطها فايض الدم
من نحره اليسيل اعلى الوطيه
دمعنا للکضى محروم عطشان
على الراس الگطیع ابغالي لسنان
دموعه اتهل إلى أخته السبيه

نلوج ابهالمصيبة كالحمامات
نضج احنا إذا بانّت علامات
فواطم تمشي والدمعة جريه
كأنها الحورا تمشي بالسلاسل
تصد نحو الرمح والحال چاتل
دماه اتفيض فوگ السمهریه

نجدد ثورته أعوام وأعوام
نضل نذكر خواته بمجلس الشام
ينادون الزچيه خارجيه
نضل نحیی محنهم طول السنين
صعب ننسى بخرابة آل ياسين
على الراس انحت ماتت رقيه